



**წლიური ანგარიში მხარჯავი დაწესებულების პროგრამების და
ქვეპროგრამების შესახებ**

სახელმწიფო ფინანსების მართვა (პროგრამული კოდი 23 01)

ხაზინის განვითარების რეფორმა (პროგრამული კოდი 23 01 03)

საქართველოს ფინანსთა სამინისტროს სახაზინო სამსახური

ათას ლარებში

პროგრამული კოდი	დასახელება	წლიური სახელმწიფო ბიუჯეტით დამტკიცებული მოცულობა	წლიური სახელმწიფო ბიუჯეტის დაზუსტებული გეგმით გათვალისწინებული მოცულობა	წლიური საკასო შესრულება	საკასო შესრულების % წლიურ დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
23 01	პროგრამა - სახელმწიფო ფინანსების მართვა					
23 01 03	ქვეპროგრამა - ხაზინის განვითარების რეფორმა	2.760.0	2.760.0	2 427.4	87.95	

საანგარიშო პერიოდში ქვეპროგრამის ფარგლებში განხორციელებული ღონისძიებების მოკლე აღწერა:

- ფისკალური გადაწყვეტილებების ეფექტიანობის გაუმჯობესების მიზნით, 2022 წლის განმავლობაში მუდმივად ხორციელდებოდა სახელმწიფო ფინანსების მართვის ინტეგრირებული საინფორმაციო სისტემის (PFMS) დახვეწა, ბიზნეს პროცესების გამარტივება და არსებული საინფორმაციო სისტემის მოდერნიზაცია.





2. საჯარო ფინანსების მართვის გაუმჯობესების და საერთაშორისო პრაქტიკასთან შესაბამისობაში მოყვანის მიზნით, საჯარო სექტორის ბუღალტრული აღრიცხვის სტანდარტების (IPSAS) დანერგვის სამოქმედო გეგმის ფარგლებში, საერთაშორისო სავალუტო ფონდის (IMF) რეკომენდაციების შესაბამისად, სამოქმედოდ შემოღებული IPSAS სტანდარტების მოთხოვნების გათვალისწინებით მომზადდა და საქართველოს ფინანსთა მინისტრის შესაბამისი ბრძანებებით დამტკიცდა ნორმატიული აქტების ცვლილებები, რაც ითვალისწინებს საბიუჯეტო ორგანიზაციების მიერ საკუთარი სახელით ფლობილ აქტივებთან, აღებულ ვალდებულებებთან, მიღებულ შემოსავლებთან და გაწეულ ხარჯებთან ერთად, სახელმწიფოს სახელით ფლობილი აქტივების, აღებული ვალდებულებების, მიღებული შემოსავლების და გაწეული ხარჯების აღრიცხვა-ანგარიშგებაში ასახვას. სახელმწიფო ბიუჯეტის დაფინანსებაზე მყოფი ორგანიზაციების, ავტონომიური რესპუბლიკების და მუნიციპალიტეტების მიერ მომზადდა 2021 წლის კონსოლიდირებული ფინანსური ანგარიშგებები სამოქმედოდ შემოღებული IPSAS სტანდარტების საფუძველზე და წარმოდგენილ იქნა სახაზინო სამსახურში. IPSAS სტანდარტების სწავლებასთან დაკავშირებით ფინანსთა სამინისტროს აკადემიის ხელშეწყობით ჩატარდა ტრენინგები სახელმწიფო და ადგილობრივი ბიუჯეტების დაფინანსებაზე მყოფი ორგანიზაციების ბუღალტრებისთვის, რაც გულისხმობდა საჯარო სექტორის ბუღალტრული აღრიცხვის საერთაშორისო სტანდარტების (IPSAS) საფუძველზე შემუშავებული აღრიცხვის და ანგარიშგების მეთოდოლოგიის სწავლებას, IPSAS-ების პრაქტიკაში გამოყენების მიზნით. სამოქმედოდ შემოღებული IPSAS სტანდარტების საფუძველზე მომზადდა სახელმწიფო ბიუჯეტის ორგანიზაციების კონსოლიდირებული ფინანსური ანგარიშგება, რომელიც ავტონომიური რესპუბლიკების და მუნიციპალიტეტების კონსოლიდირებულ ფინანსურ ანგარიშგებებთან ერთად ანგარიშვალდებულების და გამჭვირვალობის მიზნებისათვის გამოქვეყნებულია სახაზინო სამსახურის ვებ-გვერდზე www.treasury.ge.

3. 2022 წლის განმავლობაში მუდმივად ხორციელდებოდა ბიუჯეტების აღრიცხვა-ანგარიშგებების წარმოების დახვეწა და სრულყოფა. დღეისათვის სახელმწიფო ხაზინა აწარმოებს სახელმწიფო და ადგილობრივი ბიუჯეტების, საქართველოს საბიუჯეტო კოდექსით განსაზღვრული სსიპ-ების და ა(ა)იპ-ების ბიუჯეტების შემოსულობების, გადასახდელებისა და ნაშთის ცვლილების აღრიცხვას, ანგარიშგებას და ანგარიშსწორებას, სახელმწიფო ხაზინის ერთიანი ანგარიშის და სახელმწიფო ხაზინის სხვა სალარე და სავალუტო ანგარიშების მართვას, ოპერირებას და აღრიცხვას, ზედმეტად ან შეცდომით





გადახდილი თანხების დაბრუნებას, აღრიცხვას და ანგარიშგებას, სახელმწიფო ხაზინის მიერ კომერციულ ბანკებში განთავსებული თანხების აღრიცხვას, მართვას და ანგარიშგებას და სხვა. ყოველდღიურ საქმიანობასთან ერთად მუდმივად ხდებოდა აღრიცხვისა და ანგარიშსწორების პროცესის საოპერაციო ციკლის სრულყოფა და ოპერატიულობის გაუმჯობესება, ანგარიშგებების ფორმების დახვეწა და ახალი, უფრო ინფორმატიული ანალიტიკური ფორმების შემუშავება.

დასახული შუალედური შედეგები:

1. სახელმწიფო ფინანსების მართვის ინტეგრირებული საინფორმაციო სისტემის (PFMS) შემდგომი გაფართოების და განვითარების შედეგად გაიზრდება ბიუჯეტიდან განხორციელებული გადახდების გამჭვირვალობის დონე, ამალდება საბიუჯეტო ორგანიზაციების ანგარიშვალდებულების ხარისხი, გაუმჯობესდება გადაწყვეტილებების მიღების ხარისხი სახელმწიფო ფინანსების ეფექტიან გამოყენებასთან დაკავშირებით. დარიცხვის მეთოდზე დაფუძნებული ხაზინის მთავარი წიგნის ფუნქციონირება უზრუნველყოფს რეალურ დროში ინფორმაციის მიღებას თითოეული ორგანიზაციის, თუ მთლიანი მთავრობის აქტივებისა და ვალდებულებების შესახებ.
2. საჯარო სექტორში აღრიცხვის რეფორმის შედეგად გაიზრდება სააღრიცხვო ინფორმაციის ხარისხი, ამალდება საბიუჯეტო ორგანიზაციების ბუღალტერთა კვალიფიკაციის დონე, გაუმჯობესდება სახელმწიფო ფინანსების მართვის პრაქტიკა და სხვ. რაც ხელს შეუწყობს სახელმწიფო ფინანსების მიმართ საზოგადოებრივი ინტერესისა და ნდობის ამაღლებას და გაზრდის ანგარიშვალდებულებისა და გამჭვირვალობის დონეს.
3. ბიუჯეტების აღრიცხვა-ანგარიშგებების სრულყოფის შედეგად გაიზრდება სახელმწიფო ფინანსების გამჭვირვალობის დონე და გაუმჯობესდება ანგარიშვალდებულების ხარისხი. უფრო ინფორმატიული გახდება ანგარიშგებები, რაც თავის მხრივ, ეფექტიანი გადაწყვეტილებების მიღების წინაპირობა იქნება.

მიღწეული შუალედური შედეგები:

1. ფისკალური გადაწყვეტილებების ეფექტიანობის გაუმჯობესების მიზნით, სახელმწიფო ფინანსების მართვის ინტეგრირებულ საინფორმაციო სისტემაში (PFMS) ბიზნეს პროცესები მეტად გამარტივებული და დახვეწილია.





2. დარიცხვის მეთოდის IPSAS სტანდარტების მოთხოვნები ასახულია აღრიცხვის და ანგარიშგების მარეგულირებელ ნორმატიულ აქტებში. სახელმწიფო ბიუჯეტის მხარჯავი დაწესებულებების, ავტონომიური რესპუბლიკების და მუნიციპალიტეტების წლიური კონსოლიდირებული ფინანსური ანგარიშგებები ყოველწლიურად გაუმჯობესებულია და გამოქვეყნებულია სახაზინო სამსახურის ოფიციალურ ვებგვერდზე www.treasury.ge.
3. ანგარიშგებების დახვეწის და სრულყოფის შედეგად, ბიუჯეტების აღრიცხვის და ანგარიშგებების ხარისხი გაუმჯობესებულია, გაზრდილია ბიუჯეტების აღრიცხვა-ანგარიშგების გამჭვირვალობის დონე და ანგარიშვალდებულება.

მიღწეული შუალედური შედეგების შეფასების ინდიკატორები:

1. სახელმწიფო ფინანსების მართვის ინტეგრირებული საინფორმაციო სისტემაში (PFMS) ბიზნეს პროცესები გამარტივებულია და მორგებულია მომხმარებელთა საჭიროებებზე.
2. სახელმწიფო ბიუჯეტის, ავტონომიური რესპუბლიკებისა და მუნიციპალიტეტების წლიური კონსოლიდირებული ფინანსური ანგარიშგებები ყოველწლიურად გაუმჯობესებულია დარიცხვის მეთოდის IPSAS სტანდარტების მოთხოვნებთან შესაბამისობის მიღწევის გზით და გამოქვეყნებულია სახაზინო სამსახურის ოფიციალურ ვებ-გვერდზე www.treasury.ge
3. ბიუჯეტების აღრიცხვა-ანგარიშგების წარმოება მუდმივად გაუმჯობესებულია როგორც მომცველობისა და ინფორმატიულობის, ისე ოპერატიულობის და გამჭვირვალობის მიმართულებით.

